

摘藻堂四庫全書薈要

子部

欽定四庫全書薈要

子部

御定書畫譜卷五十三

詳校官兵部主事臣雷純



欽定四庫全書薈要卷一萬一千三百八十五

子部

御定佩文齋書畫譜卷五十三

畫家傳九

元一

趙孟頫

趙孟頫字子昂號松雪道人湖州人官至翰林學士承

旨謚文敏見書家傳以書名天下其畫山水木石花竹人馬

尤精緻元史本傳



他人畫山水竹石人馬花鳥優於此或劣於彼公悉造其微窮其天趣至得意處不減古人

楊載翰林學士趙公狀

趙文敏公畫入逸品高者詣神

圭齋集

子昂作畫初不經意對客取紙墨遊戲點染欲樹即樹

欲石即石

許謙白雲遺藁

陶宗儀曰嘗見公自題畫馬云我自幼好畫馬自謂頗盡物之性友人郭佑之嘗贈余詩云世人但解比龍眠那知已出曹韓上曹韓固是過許使龍眠無恙

當與之並驅耳然往往閱公所畫馬及山水人物花竹禽鳥等圖無慮數十百軸又豈止龍眠並驅而已哉

耕輟

錄

魏公書真行篆籀皆造古人地位復能以飛白作石金錯刀作墨竹則又古人之所鮮能者

鐵網珊瑚

趙榮祿少時繪事步武雲麾摩詰營丘皆縑素滌染之

筆 六研齋三筆

吳興畫法有唐人之致去其纖有北宋之雄去其獷

容臺集

趙雍

趙雍字仲穆文敏子也官至集賢待制同知湖州總管府事山水師董源尤善人馬花石

圖繪寶鑑

趙奕

趙奕字仲光號西齋孟頫子

見書家傳

以書畫知名

元史趙孟頫傳

趙鳳

趙鳳字允文

子雍

畫蘭竹與乃父亂真集賢每題作已畫

故其名不顯

圖繪寶鑑

趙麟

趙麟字彥徵

子雍

以國子生登第為江浙行省檢校善畫

人馬

畫史會要

趙孟頫

趙孟頫字子俊文敏弟官至知州畫人物花鳥頗佳

畫史

會要

高克恭

高克恭字彥敬

圖繪寶鑑云號房山

其先西域人後占籍大同至

元十二年由京師貢補工部令史至大中大夫刑部尚書好作墨竹妙處不減文湖州畫山水初學米氏父子後乃用李成董源巨然法造詣精絕歿後購遺墨者一紙率千百緡

鄧文原巴西集

房山老人初用二米法寫林巒煙雨晚更出入董北苑故為一代奇作然不輕於著筆遇酒酣興發或好友在前雜取縑楮研墨揮豪乘快為之神施鬼設不可端倪

柳貫待制集

高尚書山水人家多有之珍藏什襲其價甚高為大元能畫者第一青山白雲甚有遠致

王士熙江亭集

高尚書嘗寫竹自題云子昂寫竹神而不似仲賓寫竹似而不神其神而似者吾之兩此君也

梧溪集

克恭墨竹學黃華

圖繪寶鑑

趙集賢畫為元人冠冕獨推重高彥敬如後生事名家而倪迂題黃子久云雖不能夢見房山鷗波特有筆意則高尚書之品幾與吳興埒矣高乃一生學米有不及

無過也 董其昌畫旨

錢選

錢選字舜舉號玉潭

李日華云
又號吳峰

雪川人宋景定間鄉貢

進士元初吳興有八俊之號以子昂為稱首而舜舉與

馬及子昂被薦登朝諸公皆相附取宦達獨舜舉齟齬

不合流連詩畫以終其身人物山水花鳥師趙昌青綠

山水師趙千里尤善作折枝其得意者賦詩其上

畫史
會要

吳興錢選能畫嗜酒酒不醉不能畫然絕醉不可畫矣

惟將醉醺醺然心手調和時是其畫趣畫成亦不暇計較往往為好事者持去今人有圖記精明又旁附繆詩猥札者蓋贗本非親作設親作亦非得意筆也

許謙白雲遺藁

舜舉善畫高者至與古人無辨嘗借人白鷹圖夜臨摹裝池翌日以臨本歸之主人弗覺也湖之人經舜舉指授類皆以能畫稱

胡長孺汲仲集

張雨云吳興公早歲得畫法於舜舉舜舉多寫人物花鳥故所圖山水當世罕傳

珊瑚網

舜舉山水師趙令穰人物師李伯時皆稱具體趙文敏
嘗從之問畫法

容臺集

李衍

李衍字仲賓世為燕人

圖繪寶鑑云號息齋道人薊丘人

起家將仕佐

郎太常太祝皇慶元年為吏部尚書拜集賢殿大學士

翰墨餘暇善圖古木竹石庶幾王維文同之高致而達

官顯人爭欲得之求者日踵門公弗厭也贈翰林學士

承旨追封薊國公謚文簡

蘇天爵滋溪集

趙孟頫云吾友仲賓為此君寫真冥搜極討蓋欲盡得竹之情狀二百年來以畫竹稱者皆未必能用意精深如仲賓也

松雪齋集

文與可蘇子瞻仙去二百年墨竹一派薊丘李公得之

其用意命筆天趣冥會等而置之未易優劣也

吳師道禮部集

李衍少時見人畫竹從旁窺其筆法始若可喜旋覺不類輒歎息捨去後從黃華子澹游學已觀華所畫墨蹟又迥然不同乃復棄去至元初來錢唐得文同一幅欣

然願慰自後一意師之兼善畫竹法加青綠設色嘗曰
墨竹畫竹皆起於唐自吳道子以來名家纔數人王右
丞妙蹟世罕其傳蕭協律雖傳昏腐莫辨黃氏神而不
似崔吳似而不神惟李頗形神兼足法度該備然文湖
州最後出不異杲日升堂燭火俱息黃鐘一振瓦釜失
聲矣後使交趾深入竹鄉於竹之形色情狀辨析精到
作畫竹墨竹二譜凡黏幀鑿絹之法悉備

續弘簡錄

李士行

李士行字遵道集賢大學士薊文簡公之子諱詩字畫
悉有前輩風致娛意翰墨泛舟江湖見疎篁老木斷渚
崩崖輒推蓬艤棹臨觀游衍心與境合仁廟召之以所
畫大明宮圖入見嘉其能命中書與五品官

滋溪集

李士行畫竹石得家學而妙過之尤善山水

圖繪寶鑑

李仲方

李仲方

與李衍同時

張伯淳題其墨戲云仲方嘗為仲賓作

此墨戲

養蒙集

張遜

張遜字仲敏號溪雲吳郡人

鐵網珊瑚云嘗從黃冠游

善畫竹作鈎

勒法妙絕當世山水學巨然則不逮竹

畫史會要

溪雲張仲敏與李息齋同時畫墨竹一旦自以為不及

息齋即棄墨竹而用鈎勒

鐵網珊瑚

張仲敏雙鈎竹往往得摩詰遺意其松石坡陀又有董

北苑法

同上

王伯時

王伯時早歲從學於張溪雲故其能事皆有師法

鐵網珊瑚

陳仲仁

陳仲仁江右人官至陽城主簿善山水人物花鳥為湖州安定書院山長日與趙文敏論畫法文敏多所不及後見其寫生花鳥含豪命思追配古人歎曰雖黃筌復生亦復爾爾其見重如此

圖繪寶鑑

陳琳

陳琳字仲美山水人物花鳥俱師古人無不臻妙見畫

臨摹咄咄逼真蓋得趙魏公講明多所資益故其畫不俗論者謂宋南渡二百年工人無此手也

畫史會要

張孔孫

張孔孫字夢符官至集賢大學士

見書家傳

工畫山水竹石

續弘簡錄

趙淇

趙淇字元德

圖繪寶鑑云潭州人號平遠又號太初道人故合而曰平初又云靜華翁

忠靖

公葵次子也七歲以郊恩補承奉郎舉童子科至元十

五年署廣東宣撫使入見世祖拜湖南道宣慰使贈湖
廣行中書省參知政事護軍追封天水郡公謚文惠嘗
飄然有神仙之思斲琴度曲為文辭圖畫以自樂遂終
身焉

道園學古錄

趙淇作墨竹長竿勁節風致甚佳

圖繪寶鑑

和爾郭斯

和爾郭斯至元十五年命承旨和爾郭斯寫太祖御容
十六年復命寫太上皇御容與太宗舊御容俱置翰林

院元史祭祀志

劉貫道

劉貫道字仲賢中山人道釋人物鳥獸花竹一一師古
集諸家之長故尤高出時輩亦善山水宗郭熙佳處逼
真至元十六年寫裕宗容稱旨補御衣局使

畫史會要

中山劉貫道畫悉宗晉唐故其於應真人物變化態度
尤雅一展玩間恍然置身入五臺國與阿羅漢對語眉睫
鼻孔皆動真神筆也雖吳道子王維亦當無忝矣

珊瑚網

何澄

何澄

世祖時人

岳柱方八歲觀畫師何澄畫陶母剪髮圖指

陶母手中金釧詰之曰金釧可易酒何用剪髮為也何

大驚

元史岳柱傳

顧正之

顧正之不知何許人善墨竹學樂善老人有酷似處人

莫能辨

圖繪寶鑑

劉敏

劉敏字有功宣德青魯人太祖賜名王出于出入禁闥

授安撫使

元史本傳

劉敏善畫墨竹學顧正之有風煙夕翠圖傳于世

圖繪寶鑑

劉世亨

劉世亨

敏子夏文彥云字嘉甫

憲宗即位命劉敏與伊囉幹濟同

政敏請以子世亨自代帝許之賜世亨銀章佩金虎符

賜名塔塔爾

元史劉敏傳

世亨亦善墨竹

圖繪寶鑑

商琦

商琦字德符曹州濟陰人成宗召備宿衛授集賢學士
泰定元年遷祕書卿善畫山水

元史本傳

商琦山水師李營丘得用墨法墨竹自成一家

畫史會要

商璿

商璿字台元琦之從弟自號遜齋安恬不仕山水得破
墨法窠石最佳

畫史會要

劉融

劉融字伯熙薊丘人官至祕書郎善畫山水師郭熙

繪圖

寶鑑

李澄叟

李澄叟湘中人自幼觀湘中山水長遊三峽夔門或水或陸盡得其態寫之水墨甚有妙悟作山水訣一卷

畫史

會要

金應桂

金應桂字一之號蓀壁錢唐人

見書家傳

畫學李龍眠嘗作

巖居上真出塵觀音刻石

畫史會要

史杠

史杠字柔明號橘齋道人官至行省左丞讀書餘暇弄筆作人物山水花竹翎毛咸精到

畫史會要

郭敏

郭敏字伯達杞縣人幼讀書長好丹青工畫人物山水喜武元直畫師其意不師其法至花卉墨竹亦臻妙官

至州倅

畫史會要

李有

李有字仲芳先名立義燕人

見書家傳

官兩浙運司經歷善

古木竹石

畫史會要

喬達

喬達字達之燕人官至翰林直學士善丹青山水學李成墨竹學王庭筠後更學文同

圖繪寶鑑

王英孫

王英孫字才翁號脩竹紹興人為宋將作監簿入元隱

居不仕作墨竹蘭蕙雅潔不凡

畫史會要

李侗

李侗字士弘號員嶠真逸官至集賢侍讀學士喜作墨

竹宗文湖州

圖繪寶鑑

田衍

田衍字師孟其先京兆醴泉人後徙太康再徙蒙城初
以才選為中書掾歷主事員外郎知河中府酷愛古書

畫奇蹟真一時佳士

松雪齋集

田衍畫墨竹學王澹游頗得雅趣 圖繪寶鑑

張衡

張衡字士衡樂陵人為中書左司員外郎 見書家傳 山水學

荆關墨竹不師古人自成一家 畫史會要

王士熙

王士熙字繼學東平人官至御史中丞 見書家傳 善畫山水

圖繪寶鑑

班惟志

畫史會要圖繪寶鑑俱缺其姓從書史會要補入

班惟志字彥功號恕齋大梁人官集賢待制善墨戲畫史

會要

李章

李章字君章東平人

見書家傳

晚年畫墨竹有高致

圖繪寶鑑

王振鵬

王振鵬字朋梅永嘉人官至漕運千戶界畫極工綴仁

宗眷愛之賜號孤雲處士

圖繪寶鑑

振鵬之學妙在界畫運筆和墨豪分縷析左右高下俯

仰曲折方員平直曲盡其體而神氣飛動不為法拘嘗

為大明宮圖以獻世稱為絕

道園學古錄

王孤雲畫雖入纖細而格力超騰非院中人所能

紫桃軒雜綴

劉伯熙

劉伯熙

與趙孟頫同時

孟頫題其所畫山水圖云籍甚丹青譽

益知書畫功

松雪齋集

楊叔謙

楊叔謙

與趙孟頫同時

孟頫農桑圖叙云延祐五年大學士臣

邦寧大司徒臣源進農桑圖上問作詩者何人對曰翰林承旨臣趙孟頫作圖者何人對曰諸色人匠提舉臣楊叔謙上嘉賞久之

松雪齋外集

俞子清

俞子清吳興人官侍郎俞琰題其山水圖云子清翁山水自是一等家數既經子昂品題則夜光之璧不復為

荆山石矣

林屋山人漫藁

胡廷暉

胡廷暉吳興人寫山水趙文敏家藏小李將軍摘瓜圖
歷代寶之嘗倩廷暉全補暉私記其筆意歸寫一幅質
公公大驚賞亂真由此名實俱進

畫史會要

沈孟堅

沈孟堅畫花鳥師錢舜舉往往逼真

圖繪寶鑑

趙伯顯

趙伯顯善畫馬祖常有求趙伯顯畫家山圖詩

石田集

柯九思

柯九思字敬仲號丹丘生台州人官至奎章閣鑒書博士博學能文墨竹師文湖州亦善墨花

畫史會要

九思畫竹木筆勢生動論者謂文與可後一人

續弘簡錄

丹丘槎牙竹石全師東坡其大樹枝幹皆以一筆塗抹不見有痕迹處

四友齋叢說

柯九思寫竹必儷以古木煙梢霜槭與叢篠相映亦有

奇趣

六研齋筆記

楊維翰

楊維翰字子固自號方塘越之暨易人筮仕郡文學帥
府檄為慈溪邑校陞饒之雙溪山長文嗜三蘇字帖喜
雙井黃氏晚年游戲墨蘭竹石極精妙興至即揮灑侍
筆札者給弗之暇人求者無貴賤悉為作時監辨博士
柯九思自以為弗及推曰方塘竹云

東維子集

朱德潤

朱德潤字澤民睢陽人著籍於吳秀異絕人讀書一過
輒能記每以詩文自喜善書札尤工畫山水人物有古

作者風吳興趙文敏公子昂薦之馬太尉潘王表授鎮

東行中書省儒學提舉

周伯琦朱府君墓誌銘

睢陽朱澤民詩師謫仙筆札師逸少畫則規矩出入李

昭道父子之間

馮子振海粟集

朱澤民為童子師時得許道寧畫謾爾塗抹適臻其能

俞煒存復齋文集序

朱德潤畫山水學郭熙其合作者甚佳

圖繪寶鑑

朱澤民畫蒼潤清逸在子久叔明之間

六研齋二筆

杜本

杜本字伯原

夏文彥云字原文

清江人

見書家傳

官至翰林待制

元史

本傳杜本畫墨牛蒲萄甚可觀亦善山水

圖繪寶鑑

宋敏

宋敏字好古

應菴隨錄云魏郡人

善墨竹

圖繪寶鑑

宋好古工寫竹石有進於明宗者明宗語左右曰此真

士大夫筆天歷中為藝文監照磨京師人名其竹為勅

賜士大夫竹

應菴隨錄

房大年

房大年

文宗時人

文宗居金陵潛邸時命房大年畫京都萬

歲山大年辭以未嘗至其地上索紙運筆布畫位置令

按藁圖上大年得藁敬藏之意匠經營格法適整雖積

學專工所莫能及

輟耕錄

王淵

王淵字若水號澹軒杭人幼習丹青趙文敏多指教之
故所畫皆師古人無一筆院體山水師郭熙花鳥師黃

筌人物師唐人一一精妙尤精墨花鳥竹石當代絕藝也

畫史會要

若水之畫天機溢發肖古而不泥古

珊瑚網

唐棣

唐棣字子華吳興人由茂才為吳江令能繪事嘗畫嘉熙殿壁為上所知

玉山草堂雅集

吳興唐侯子華以儒名江左其畫為人所貴重

楊翹佩玉齋類

藁

子華學畫於松雪公得其華潤森鬱之趣

六研齋筆記

邵思善

邵思善號青門唐子華宰少寧得以筆墨給事左右嘗嗜畫學之有年遂大進幾能與子華所為相埒莫可辨

佩玉齋類藁

郭昇

郭昇字天錫

雲煙過眼錄云
字佑之號北山

京口人畫竹木窠石

圖繪寶鑑

錫山弓河上玄元道館錫麓玄丘精舍天錫畫壁甚多

郭天錫世家京口故其所畫全倣米南宮最為得法

鐵網

珊瑚

任仁發

任仁發字子明號月山松江人

見書家傳

官至都水庸田副

使以畫馬得名

畫史會要

任仁發善繪事嘗奉旨入內畫渥洼天馬圖著水利書

十卷今人止稱任水監畫馬蓋以藝掩之

六研齋筆記

石巖

石巖字民瞻京口人

見書家傳

官至縣尹

書史會要

朱德潤有題石民瞻所畫山圖詩

存復齋集

范庭玉

范庭玉保定人善墨竹師樂善老人

畫史會要

柴楨

柴楨字君正東平人自號適齋善畫山水才思天賦不

習而工

畫史會要

信世昌

信世昌字雲甫東平人自號中隱善畫山水學於沈士元有出藍之譽墨竹別成一家蓋黃華之後又一變者也

圖繪寶鑑

胡瓚

胡瓚字元禮京兆人官至衡州路同知善丹青墨竹

圖繪

寶鑑

韓公麟

韓公麟字國瑞號雪谷真定人為太醫副使善養生之
學留情翰墨喜寫竹筆意簡當殊有生意

圖繪寶鑑

牛麟

牛麟字伯祥太原人墨竹意亦蕭散

圖繪寶鑑

張德琪

張德琪字廷玉

見書家傳

畫墨竹梅花學王澹游有佳趣

圖繪

寶鑑

劉德淵

劉德淵字仲淵官至藍山縣尹善墨竹學劉自然

畫史會要

韓紹曄

韓紹曄字子華燕人官至御衣局使山水學武元直墨

竹學樂善老人

畫史會要

張敏夫

張敏夫燕人喜畫墨竹學顧正之

圖繪寶鑑

高吉甫

高吉甫燕人喜畫竹石宗劉自然亦無大過人者

圖繪寶鑑

周堯敏

周堯敏字禹卿號學山海鹽當湖人畫竹宗文湖州頗

有得處

圖繪寶鑑

王鼎

王鼎字德新海鹽人好寫竹學丁子卿深悟筆意

圖繪寶鑑

王泰之

王泰之號竹趣

鼎

能紹父業

圖繪寶鑑

謝顯

謝顯字耀卿號隱麓大名人畫竹宗員

一作尹

大夫

圖繪寶鑑

孫君澤

孫君澤杭人工山水人物學馬遠夏珪

圖繪寶鑑

吳梅山

吳梅山工山水人物畫史會要

吳梅溪

吳梅溪工花鳥雜畫

圖繪寶鑑

馮君道

馮君道錢唐人畫花竹翎毛性酷嗜鵠鶉每袖養之觀其飲啄以資畫筆

圖繪寶鑑

楊月澗

楊月澗畫花鳥龍虎

圖繪寶鑑

楊說巖

楊說巖畫道釋尤工寫貌

圖繪寶鑑

許擇山

許擇山工畫神佛

圖繪寶鑑

沈月田

沈月田工畫林木樹石

圖繪寶鑑

朱梅間

朱梅間善畫花竹

圖繪寶鑑

熊太古

熊太古亦善畫

劉璋書畫史

吳古松

吳古松杭人山水學郭熙

圖繪寶鑑

賈策

賈策字治安中州人嘗為杭仁和尹畫花竹禽鳥得其

飛鳴翔集之狀

圖繪寶鑑

顧安

顧安字定之

見書家傳

泉州路判官善墨竹

畫史會要

元統中淮東顧定之以寫竹得名行筆遒勁風梢雲幹

得蕭協律之法

朱德潤存復齋集

定之懸崖竹法文湖州

都穆寓意編

謝庭芝

謝庭芝字仲和號雪村平江崑山人善畫墨竹

圖繪寶鑑

李升

李升字子雲號紫簣生濠梁人畫墨竹亦能窠石平遠

圖繪寶鑑

盛昭

盛昭字克明揚州人竹師文湖州

圖繪寶鑑

顧達

顧達

一名達

字周道中吳人畫山水人物并能寫貌

圖繪寶鑑

陳君佐

陳君佐宿州人居揚州山水師馬遠夏珪墨戲師徽廟

圖繪寶鑑

李容瑾

李容瑾字公琰界畫山水師王孤雲

畫史會要

林士能

林士能字若拙畫山水無渾厚秀潤之氣

畫史會要

朱裕

朱裕字敏道延陵人畫山水師李成

圖繪寶鑑

沈麟

沈麟字秋澗杭人畫山水學郭熙兼能寫貌

圖繪寶鑑

鄭禧

鄭禧字熙之

鄭元祐僑吳集作禧之

吳郡人

見書家傳

山水學董源筆

法用墨清潤可愛墨竹禽鳥全法趙文敏

畫史會要

張義上

張義上字師夔善畫山水

圖繪寶鑑

李士傳

李士傳字仲芳薊丘人山水人物學李伯時尤善摹徽

廟墨戲

畫史會要

戴淳

戴淳字厚夫錢唐人善畫山水

圖繪寶鑑

吳屋

吳屋字從禮杭人臨摹院畫吐吐逼真

圖繪寶鑑

吳瓘

吳瓘字瑩之嘉興人多藏法書名畫能作窠石墨梅學

揚補之頗有逸趣

圖繪寶鑑

吳瓘畫寒雀爪啄生動不下錢玉潭

珊瑚網

張文樞

張文樞字石隱湖州德清人幼嘗為僧能畫山水學巨

然亦善墨竹

圖繪寶鑑

錢惟善送張石隱過東陽詩云餘不溪上張公子一日

乘槎過婺州客遍江湖成落魄才兼書畫擅風流

松江月風

集

李沖

李沖字用之善畫山水學李成荆浩

圖繪寶鑑

張遠

張遠字梅巖華亭人山水人物學馬遠夏珪至於全補

古畫無出其右臨摹亦能亂真

畫史會要

陳鑑如

陳鑑如居杭州精於寫神國朝第一手也

圖繪寶鑑

陳芝田

陳芝田

鑑如子

能世其業

圖繪寶鑑

林伯英

林伯英嘉興魏塘人工畫花鳥師樓觀

圖繪寶鑑

周如齋

周如齋杭人畫山水學高房山

圖繪寶鑑

沈月溪

沈月溪華亭青村人以稜作為業畫山水人物學馬遠
往往亂真人莫能辨

圖繪寶鑑

邊武

邊武字伯京京兆人

見書家傳

善墨戲花鳥

畫史會要

邊伯京為瑞應宮吳提點作枯木竹石圖

凌雲翰柘軒集

王迪簡

王迪簡字庭吉號戴隱越人善畫水仙

圖繪寶鑑

陶鉉

陶鉉號菊村金陵人畫山水師李成

圖繪寶鑑

謝佑之

謝佑之居都下善畫折枝傅色差厚蓋欲倣趙昌而未

能升堂者

畫史會要

朱丘

一作邱

朱丘蜀人善畫竹木

圖繪寶鑑

華岳

華岳善山水楊載詩云華岳能詩世有名學畫丹青亦

疏放 畫史會要

潘桂

潘桂金陵人宋末張翼孫壻也善寫貌 圖繪寶鑑

戈叔義

戈叔義善畫墨竹 圖繪寶鑑

趙天澤

趙天澤字鑑淵蜀人畫梅竹 圖繪寶鑑

臧良

臧良字祥卿錢唐人畫花竹翎毛師王若水

圖繪寶鑑

夏迪

夏迪字簡伯溫州人畫山水竹石

畫史會要

王冕題夏迪雙松圖云夏迪畫松得松趣箇箇乃是廊

廟具

竹齋集

衛九鼎

衛九鼎字明鉉天台人界畫山水師王孤雲

畫史會要

李希閔

李希閔字克孝薊丘人畫山水竹石

圖繪寶鑑

王勝甫

王勝甫婺源人善傳神

陳櫟定宇先生集

王起宗

王起宗畫山水樹石

圖繪寶鑑

楊載題王起宗畫松巖圖云始知王宰用意高使人觀
圖鄙吝消世間未必有此景塗抹變幻憑秋豪

楊仲弘集

王奇峰

王奇峰善畫張伯淳題其所畫明秀圖云觀王君此圖
曾次不止一丘一壑而已當至元戊子巳丑間識君於
越後八年重逢知君道賈日起然則圖豈徒哉

養蒙集

霍元鎮

霍元鎮規模董北苑米南宮父子寫山水雲物殊有標

致

道園學古錄

申屠子邁

申屠子邁善畫馬

道園學古錄

旦景初

旦景初官僉司虞集題其畫云旦公山堂城東南畫圖
古檜何甦甦城中無山有山癖直藉豪墨窮幽探

道園

學古錄

鄭鏗

鄭鏗將樂人嗜學工詩尤長於畫

延平志

陳立

陳立嘗畫龍眠山圖虞集題其後云苔苔龍眠山一士

獨可尚高懷託千載妙畫羅羣象

道園學古錄

馬竹所

馬竹所善畫虞集有題馬竹所照磨捕魚圖詩

道園學古錄

佟士明

佟士明工寫貌

畫史會要

虞集贈寫真佟士明詩云佟郎居上京閱人如風花拈

筆寫其似千歲留英華

道園學古錄

周怡

錄

周怡善畫虞集有題周怡臨韓幹明皇出遊圖詩

道園學古

劉敏叔

劉敏叔工寫貌虞集云劉敏叔畫故端明潛齋王公於梅雪之間其高風勝韻如在

道園學古錄

羅若川

羅若川善畫松虞集詩云莫春多雨晝冥冥羅生畫松當素屏老蛟化為劍氣黑白鶴下啄蒼苔青

道園遺藁

聶空山

聶空山善畫虞集有題聶空山畫扇詩

道園遺藁

張明德

張明德官經歷范梈題其松石圖云張君畫手天下奇

往者京城曾見之

德機集

王庭鈺

王庭鈺字良仲廣信人嘗汎彭蠡見龍見遂肆意墨龍

悟解變化

揭文安公集

趙良佐

趙良佐字子有

見書家傳

善畫竹石

吳萊淵穎集

姚安仁

姚安仁善畫山水蒲道源跋其畫云余寓京師聞秋谷李韓公言昔嘗於奉元高左丞飛卿家坐間有畫師姚安仁適至高詢所為畫山水安仁應曰人言畫山水易事其甚以為苦每作一幅必往來胸中經營累日然後敢落筆亦如文字得題而苦思也當其未得時局促無

聊雖囚之桎梏無以踰此及其豁然有得方脫然而釋
矣高為之大笑觀其所作此幅僅三尺許渺然有千萬
舉武之氣象其山川之開闔樹林之疎密樓閣之掩映
景色之晦明石潤而雨冥水舒而空闊扁舟艤岸漁者
必出或聚而分或挈而往其天趣之入眼恍然坐我於
滄洲煙渚之間則古人之所謂畫工之辛苦并安仁所
言不為過矣

蒲道源順齋集

李進臣

李進臣號絅齋蒲道源題南褒草亭圖手卷云褒邑之
東宮曰玉虛旁有溪園地形爽塏仲巖道錄取乾坤一
草亭語意誅茅構其上西鄉令絅齋先生李進臣為寫
此圖

蒲道源順齋集

李肖巖

李肖巖善傳神蒲道源贈詩云畫師筆底要真似妙想
乃與天機通肖巖後出獨超詣睥睨衆史如兒童

蒲道源順

齋集

白汝明

白汝明字橫舟蒲道源有白汝明秋江晚渡卷詩

間居叢藁

王本中

王本中善畫薩都拉有題吳閑閑京館王本中醉作竹

石壁上詩

薩都拉鴈門集

劉伯希

劉伯希善畫傳若金題其所畫古木圖云劉侯學李成

畫手稱獨步時見作古松盤屈任形勢

清江集

俞伯澄

俞伯澄

與朱德潤同時

畫士

存復齋集

梅鼎

梅鼎淮陰人朱德潤有題淮陰梅鼎畫蜀山圖詩

存復齋續

集

李兼善

李兼善善畫李存詩云偶逢臨汝李兼善家世素儒心

甚厚平生遊藝及山水兩卷青囊常在手

侯菴集

白賁

白賁善畫馬李存題其所畫二馬云數筆寫來千里意

只今惟有白忻州

侯菴集

彭南溟

彭南溟善傳神

侯菴集

康月天

康月天官錄事善畫墨竹

俞琰林屋山人漫藁

俞巖隱

俞巖隱善畫魚龍相城靈應道院屏風俞巖隱畫

林屋山人

漫藁

郎子雲

郎子雲畫明皇看馬圖

林屋山人漫藁

葉仲輿

葉仲輿善墨竹岑安卿有求葉仲輿寫墨竹扇面詩

栲

山人集

陳俞

陳俞字舜卿號草亭進士善畫龍

江月松風集

劉尊德

劉尊德善琴工畫劉詵贈詩云劉郎善畫如鄭虔落筆

飛雨大化懸

劉詵桂隱集

銹堯輔

銹堯輔善畫丁復題其所畫觀瀑圖云銹侯校書天祿閣向人輒作山水畫長巒老樹翠蓋欹轉瀑崩崖練花

瀉檜亭集

周伯寧

周伯寧隱於王官谷善畫

余闕青陽集

朱璟

朱璟字景玉愛梅其小字也人唯呼曰朱愛梅少時讀書郡齋郡學官有藏米元暉畫者日張壁上愛梅時從旁竊觀之至撻之不肯去久乃得其妙及長又愛高彥敬青山白雲之作遂合二公之法自成一家得意時即為之然祇以自娛也不為人所役

師山集

汪罕

汪罕官主簿

見書家傳

善畫

師山集

周耕雲

周耕雲為蕭元泰畫龍虎仙巖圖

李孝光五峰集

褚冰壑

褚冰壑善畫牛

周權此山集

婁仲英

婁仲英善畫成廷珪題其所畫山居圖云近代幾人畫

山水郭昇無人朱敏死後之作者徒紛綸得骨得皮誰
得髓間君埽却山居圖令我見之心獨喜

居竹軒集

王夢麟

王夢麟善畫成廷珪題畫史王夢麟卷云何人最得滄
洲趣麟也於今稱獨步

居竹軒集

盧師道

盧師道錢唐人畫學郭熙嘗寫溪山春霽圖秀勁不俗

唐東圖玄覽

杜士元

杜士元字元甫畫學郭熙道勁朗暢而有逸氣

詹東圖
玄覽

從子龍

從子龍畫學郭熙純用搨筆豪爽而有奇致亦入於雅

詹東圖
玄覽

朱叔重一作仲

朱叔重吳人

鐵網珊瑚
云妻東人

善繪畫

虞堪鼓枻蒙

朱叔重儒者而工畫每賦一詩得摹寫之妙輒肆筆繪

之嘗曰王右丞水田白鷺夏木黃鸝之詩即畫也李思訓數年吳道元一日其工夫學力所到者畫即詩也

鐵網

珊瑚

尚雨

尚雨字仲彬善山水雜畫松石師郭熙墨竹瀟灑可愛
山陰志

鮑敬

鮑敬字原禮善畫人物亦善花木禽魚嘗為人畫牡丹

姿態天然畫牛得李迪法

山陰志

劉廣之

劉廣之燕人善寫墨竹

圖繪寶鑑

沈雪坡

沈雪坡嘉興魏塘人好寫梅竹

圖繪寶鑑

姚雪心

姚雪心台州黃巖人畫墨竹宗文湖州

圖繪寶鑑

趙雲巖

趙雲巖溫州人寓華亭青龍鎮花鳥設色有法亦善墨

戲墨竹

畫史會要

王仲元

王仲元不知何許人專門花鳥尤善作小景得用墨之

法溫潤可喜

圖繪寶鑑

朱淳甫

朱淳甫濟陰人居曹之樂平坊世業丹青山水人物樹

石俱精亦寫梅竹有佳致

圖繪寶鑑

焦善甫

焦善甫燕人工雜畫花竹人物尤善寫貌

圖繪寶鑑

顏輝

顏輝字秋月江山人善畫道釋人物

圖繪寶鑑

秋月畫鬼尤工筆法奇絕有八面生意

艷翁家藏集

鄭彝

鄭彝官教授私謚孝莊善作草蟲蘭蕙人爭購之

紹興志

戴仲德

戴仲德績溪人善畫嘗寫駿馬於驛旁古祠壁馬見之
皆辟易汪克寬稱其博洽而畫馬尤工幾奪造化

徽州志

程政

程政績溪人能詩善畫山水人物兼花草翎毛


徽州志

御定佩文齋書畫譜卷五十三

謹案卷五十三第十頁後五行伊羅幹濟舊作牙

魯瓦赤今改





總校官庶吉士臣張能照

校對官庶吉士臣徐如澍

謄錄監生臣張虎文

欽定四庫全書薈要

子部

御定書畫譜卷五十四

詳校官兵部主事臣雷純

欽定四庫全書會要卷一萬一千三百八十六

子部

御定佩文齋書畫譜卷五十四

畫家傳十

黃公望

元

黃公望字子久

輟耕錄云本姓陸繼永嘉黃氏

其父九十始得之曰黃

公望子久矣因而名字焉號一峰又號大癡道人平江常熟人幼聰敏應神童科經史二氏九流之學無不通

曉開三教堂於蘇之文德橋後隱於富春

王逢梧溪集云黃公望嘗

掾中臺察院後入道去

山水師董源巨然晚年變其法自成一家

山頭多礬石別有一種風度

畫史會要

倪瓚題子久畫云本朝畫山林水石高尚書之氣韻閒

逸趙榮祿之筆墨峻拔黃子久之逸邁不羣王叔明之秀潤

清新其品第固自有甲乙之分然皆予斂衽無間言者

外此則非予所知矣

清閼閣遺藁

唐棣云一峰道人晚年學畫山水便自精到

鐵網珊瑚

黃公望畫入逸品其所作山水訣亦有理致

輟耕錄

公望居富春領略江山釣灘之概性頗豪放袖攜紙筆
凡遇景物輒即模記後居常熟探閱虞山朝暮之變幻
四時陰霽之氣運得於心而形於筆故所畫千丘萬壑
愈出愈奇重巒疊嶂越深越妙其設色淺絳者為多青
綠水墨者少雖師董源實出於藍

圖繪寶鑑

大癡畫格有二一種作淺絳色者山頭多礬石筆勢雄
偉一種作水墨者皴紋極少筆意尤為簡遠

清河書畫

舫

元季四大家以黃公望爲冠而王蒙倪瓚吳仲圭與之

對壘

容臺集

王蒙

王蒙字叔明吳興人號黃鶴山樵趙松雪之外孫也素好畫得外氏法然不求妍於時惟假筆意以寓其天機之妙爲文章不尚矩度頃刻數千言可就

王達善聽雨

樓諸賢記

王蒙山水師巨然甚得用墨法秀潤可喜亦善人物

畫

史會要

叔明師王維穠郁深至

藝苑卮言

王蒙生平不用絹素惟於紙上寫之其得意之筆常用
數家皴法山水多至數十重樹木不下數十種徑路迂

迴煙靄微茫曲盡山林幽致

續弘簡錄

叔明自是寫圖手遠近位置歷然不爲山林煙靄之所
汨沒爲陶宗儀寫南村圖鳬鴨猫犬紡車春碓家人器

具一一畢備若子久渾厚雲林疎簡雖各極所擅而施之圖似終遜黃鶴

六研齋二筆

王叔明畫從趙文敏風韻中來故酷似其舅又汎濫唐宋名家而以董源王維爲宗故其縱逸多姿又往往出文敏規格之外若使叔明專門師文敏未必不爲文敏所掩也

容臺集

倪瓚

倪瓚字元鎮雲林其自號也

雲林遺事云署名曰東海瓚或曰嬾瓚變姓名曰奚

玄朗或曰玄映別號五曰荆蠻民淨名居士朱陽館主
蕭間仙卿雲林子雲林多用以題詩畫故尤著畫史會
要云無錫人家故饒於資輕財好學嘗築清閼閣蓄古書畫

於中人罕跡其所愛寫溪山竹石攻詞翰皆極古意性

甚狷介好潔絕類海岳翁

畫史會要云素有潔癖人號曰倪迂

尤善自晦

匿畫棄其所蓄扁舟獨坐與漁夫野叟混跡於五湖三
泖間又類天隨子

錢溥雲林詩集序

元鎮好僧寺一住必旬日篝燈木榻蕭然宴坐時操紙
筆作竹石小景客求必與一時好事者購之價至數十

金壯年有巨幅雅宜山圖爲當世所珍

顧元慶雲林遺

事

張士誠弟士信聞元鎮善畫使人持絹練侑以幣求其
筆元鎮怒曰予生不爲王門畫師即裂其絹而却其幣
同上

雲林畫林木平遠竹石殊無市朝塵埃氣寫山水不著
人物

畫史會要

顧謹中云倪迂初以董源爲師及乎晚年愈益精詣一

變古法以天真幽淡為宗所謂漸老漸熟者若不從北苑築基不容易到耳

同上

元鎮極簡雅似嫩而蒼宋人易摹元人難摹元人猶可學獨元鎮不可學也

藝苑卮言

迂翁畫在勝國時可稱逸品古淡天然米癡後一人也

容臺集

雲林山水早歲學北苑乃自成一家圖繪寶鑑以為師馮觀觀闌人耳雲林負氣節必不師其畫

同上

雲林山水著色者甚少間作一二繪染深得古法

六研

齋二筆

吳鎮

吳鎮字仲圭號梅花道人嘉興魏塘人工詞翰尤善畫山水竹木臻極妙品不下許道寧文與可與可以竹掩其畫仲圭以畫掩其竹爲人抗簡孤潔其畫雖勢力不能奪唯以佳紙筆投之欣然就几隨所欲爲乃可得也故仲圭於絹素畫絕少

孫大雅滄螺集

吳鎮畫山水師巨然其臨摹及合作者絕佳而往往傳
於世者皆不專志故極率略亦能墨竹墨花

圖繪寶鑑

吳仲圭本與盛子昭比門而居四方以金帛求子昭畫
者甚衆而仲圭之門閭然妻子頗笑之仲圭曰二十年
後不復爾果如其言盛雖工實有筆墨蹊徑非若仲圭
之蒼蒼莽莽有林下風氣所謂氣韻非邪

容臺集

仲圭忍貧孤隱極不喜爲人作畫至於寫像尤所靳者

六研齋二筆

盛洪

畫史會要
作盛洪甫

盛洪字文裕子昭之父臨安人僑寓嘉興畫人物翎毛

山水各臻工巧

鄒衡嘉興志補

盛懋

盛懋字子昭善畫山水人物花鳥始學陳仲美略變其
法精緻有餘特過於巧

畫史會要

曹知白

曹知白字又玄

畫史會要
云字貞素

別號雲西華亭人至元中爲

崑山教諭意甚不樂遂辭去隱居讀易或放筆圖畫掀
髯長嘯人莫窺其際

松江志

曹雲西山水師馮覲筆墨差弱而清氣可愛

畫史會要

吾松善畫者在勝國時莫過曹雲西其平遠法李成山
水師郭熙蓋郭亦本之李成也筆墨清潤全無俗氣

四

友齋叢說

曹慶孫

曹慶孫字經善號安稚生雲西族姪官浮安教諭善畫

劉璋書畫史

張以文

張以文松江人董其昌云吾鄉畫家元時有曹雲西張以文張子正諸人皆名筆

畫禪隨筆

張中

張中字子正

一作子政

松江人畫山水師黃一峰亦能墨戲

圖繪寶鑑

莊麟

莊麟字文昭江東人居京口書畫與郭昇齊名

鎮江府

志

崔復

崔復趙雍堦有學行善繪事

徐一夔始豐藁

王珪

王珪字君璋嘗以材異辟同知辰州辭不起築室於虞山之間澄心觀道善鼓琴又工畫布置繁密意趣幽遠

號中陽老人

鄧穀常熟志

朱玉

朱玉字君璧崑山人喜繪事聞佳山水每脩然獨往永嘉王振鵬在仁宗朝以界畫稱旨玉從之遊盡得其技嘗奉命圖藏經佛像引首以進方不盈矩曲盡其妙而意度橫生不束於繩墨人言王君蓋不之過云

朱珪名

蹟錄

君璧作紫霧龍宮翠蓬神闕二圖十年始就人謂其妙入神品元季海寇犯境邑人棄家避難君璧獨抱二圖

坐樓上寇遙望城中虹氣貫月蹤跡而至虹自君壁樓
中出疑有至寶攘之見二圖大怒裂碎而去楊鐵崖名
其樓曰虹月樓

六研齋二筆

王繹

王繹字思善自號癡絕其先睦人居杭之新門年十二
三已能丹青亦解寫真於小像特妙著采繪法授人

輟

耕錄

王繹長於小像不徒得其形似兼得其神氣

圖繪寶鑑

陶復初

陶復初字明本號介軒老人天台人

見書家傳

官台州儒學

教授善墨竹師李蘄丘父子及著色竹甚佳亦能山水畫史會要

陶宗暹

陶宗暹一名文昭

復初從子

字晉生官江浙儒學提舉書畫

並擅一時

續弘簡錄

陳立善

陳立善黃巖人至正中爲慶元路照磨工墨梅與會稽

王冕齊名

程敏政篁墩集

陳處亨

陳處亨號方山立善子墨梅妙得其傳

篁墩集

郊韶

郊韶字九成吳興人至正中嘗辟試漕府掾不事奔競
澹然以詩酒自樂自號雲臺散吏又號茗溪漁者日往
來於玉山與諸君相倡和素不善畫偶捉筆爲山水圖

爛漫奇詭坐客咸嘖嘖稱歎

雲臺集

趙元

一作原

趙元字善長山東人畫山水師董源

圖繪寶鑑

趙善長氏妙於繪事以荆關法爲遜學周君畫天香深

處圖

雲林遺集

趙善長山水雄麗可鴈行叔明其墨竹尤得簡貴一法

六研齋筆記

陸廣

陸廣字季弘號天游生吳人畫倣王叔明落筆蒼古用墨不凡其寫樹枝有鸞舞蛇驚之勢

畫史會要

陸天游在幼文雲西間以蕭散幽淡爲宗

紫桃軒雜綴

陳植

陳植字叔方號慎獨癡叟

圖繪寶鑑云吳郡人

純行篤孝又能力

學其爲詩刻苦精練至於畫思之盤礴裸跣山林泉石幽篁怪木各盡其變態然貴富以挾而求之者雖百金

不以予一筆

鄭元祐倚吳集

陳植畫樹石甚有意趣

圖繪寶鑑

陳慎獨寫江浦樹石蒼莽疎宕有子久氣韻

六研齋筆

記

崔彥輔

崔彥輔錢塘人號雲林生

見書家傳

與王蒙俱吳興趙氏甥

畫亦超詣

陳善杭州志

毛倫

毛倫字仲庠諸暨人居貧自樂放情吟嘯或寫木石或

作墨年與遊者多名人或勸之仕則張目不荅

駱問禮

萬縷集

李中明

李中明工山水甚爲鄉人黃鎮成所推

閩書

柴浩

柴浩字養吾永嘉人嘗寄跡於鄞師米南宮寫雲山煙

巒變滅渾然天成

楊寔寧波郡志

陳亦所

陳亦所失其名陳容四世孫亦善畫龍龍得容筆法

閩

繆佚

繆佚字叔明侃弟能詩善畫嘗寫林塘圖倪雲林楊廉

夫並爲題咏

常熟志

徐愷

徐愷字士元

一作士原

湖州南潯鎮人畫山水師李成

圖繪

寶鑑

曾瑞

曾瑞字瑞卿大興人羨錢唐景物之盛因而家焉志不屈物故不願仕自號褐夫善丹青

鍾嗣成錄鬼簿

瑞卿工畫山水學范寬

圖繪寶鑑

曾瑞卿有神龍卧沙圖

劉詵桂隱詩集

周文質

周文質字仲彬其先建德人後居杭州學問該博文章

新奇善丹青

錄鬼簿

趙良弼

趙良弼字君卿東平人補嘉興路吏遷調杭州善丹青
錄鬼簿

張觀

張觀字可觀松江楓涇人畫山水學夏珪馬遠特長於

模倣

畫史會要

可觀與吳仲圭遊故其筆力古勁無俗弱之氣

太平清

話

趙清澗

趙清澗淮人工畫人物仕女

畫史會要

冷起巖

冷起巖居京師工傳神至正間嘗寫御容稱旨

圖繪寶

鑑

胡欽亮

胡欽亮烏程人以畫名

湖州志

孟玉澗

孟玉澗

名珍楊鐵厓有題孟珍玉澗畫岳陽小景詩

字季生號天澤與胡欽

亮同學善花鳥翎毛爲當世珍重尤長山水

徐守綱鳥

程志

莫廷場

莫廷場歸安人與孟玉澗同時亦以畫名

湖州志

姚彥卿

姚彥卿與孟玉澗同時亦能畫

圖繪寶鑑

姚彥卿寫山水師郭熙筆勁健而近熟之高曠之趣

詹

東圖玄覽

巴延布哈

元史作巴延不花德濟

巴延布哈號蒼巖

元史作蒼崖

官至江東廉訪副使

見書家傳

工

畫龍

畫史會要

持嘉君實

持嘉君實女真人居燕城畫竹學劉自然頗有意趣

畫

史會要

蕭鵬搏

蕭鵬搏字圖南本契丹人

見書家傳

詩書畫三事皆追宗黃

華尤長山水亦善墨寫梅竹

畫史會要

丁野夫

丁野夫回紇人畫山水人物學馬遠夏圭筆法頗類圖

繪寶鑑

李康

李康字寧之桐廬人

見書家傳

書畫琴奕冠絕一時

續弘簡

錄

周朗

周朗

順帝時人

至正二年七月帝御慈仁殿拂郎國進天馬

勅周朗貌以爲圖圖成揭傒斯爲贊

歐陽玄圭齋集

黎仲瑾

黎仲瑾號碧山工畫歐陽玄贈詩云碧山畫欲入神品
圭齋集

謝仲和

謝仲和善畫竹石郊韶題其畫云江南謝老獨風流愛

寫晴雲竹樹幽絕似玉堂殘月夜數枝晴雪映高秋

茗

溪漁者集

何思敬

何思敬官祕書監承戴良題其畫山水云至正以來畫
山水祕監何侯擅其美帝御宣文數召見抽毫幾動天
顏喜有時詔許閱內儲名筆班班世所無王吳李范已
心識餘者山堆皆手摹

九靈山房集

崔旭

崔旭字行之張翥題其所畫雲巢圖云崔郎曾次奇突
兀興來從人索紙筆斯須千峰萬壑出底用一石畫五
日

蛺蝶詩集

金汝霖

金汝霖新安人才俊之士也薄聲名而慕閒曠從容山
水間游戲翰墨咸有深趣自號曰藤溪釣叟李祁藤溪
釣叟歌云有時欲寫蒼龍姿雷轟電掣風雨馳高堂素
壁見揮埽凜凜毛髮寒生肌有時直向梅花下弄筆搖

豪恣描寫新條舊幹總橫斜嫩蕊疎花亦瀟灑
李祁雲陽集

楊清溪

楊清溪善畫竹

雲陽集

吳伯昭

吳伯昭善畫黃鎮成題吳伯昭紅蓮綠幕圖云延陵公

子昔稱賢畫手復見今道玄

黃鎮成秋聲集

楊文昭

楊文昭善畫貢性之詩云楊生好畫亦成癖醉墨淋漓
不停筆遠山近水漫塗抹鐵幹虬枝儼行立

貢性之南

湖集

曾雲峰

曾雲峰善畫草蟲陳深題其畫云雲峰筆底超畦逕描

寫草蟲得其性

寧極齋藁

劉宗海

劉宗海善山水

劉永之山陰集

傅與礪題劉宗海山水歌云吾郡山水邑材藝皆絕倫
昔時稚川善遊戲妙墨往往追前人後之作者非一士
劉生妙年下筆親

傅與礪集

謝君績

謝君績官參軍郭鈺題秋江送別圖云問誰畫者謝君

績

郭鈺靜思集

莫慶善

莫慶善工畫鷹郭鈺詩云筆力精到天機微莫生所畫

詩我題

靜思集

馮文仲

馮文仲善畫姚文奐有題馮文仲畫秋亭野望詩

野航

亭藁

虞瑞巖

虞瑞巖善畫姚文奐有題虞瑞巖描水仙花詩

野航亭

藁

吳筠軒

吳筠軒海寧人舒頔題其山水窠木卷云松蘿山下延陵裔自號筠軒詠淇澳明窓淨几泚霜豪暖日晴風弄蒼玉有時乘興寫山水復貌時人真面目一丘一壑曾次奇萬貌萬形心匠蓄

貞素齋集

宋元凱

宋元凱善畫鄭洪有題宋元凱畫溪山晚釣圖詩

鄭洪

素軒集

倪瓚

倪驤字子舉吳興人絕仕宦志登山吟水忽有所得則
寫之於琴琴不足又寫之於畫識者謂其畫與今高吏
部爭拙法於海岳菴

楊維禎東維子集

葉可觀

葉可觀天台人嘗寫天顏被命爲提舉梵像監

東維子

集

葉清支

葉清支

可觀子

紹其家傳楊維禎送寫神葉清支序云清

支嘗爲予寫鹿冠吹笛之象於五湖之間談者謂非徒
得予形骨而又得予神明不在長康之下

東維子集

謝伯誠

謝伯誠任陽人畫法絕軼得董北苑風致

鐵崖集

李立

李立吳人其畫法多微小李將軍嘗爲顧阿瑛作玉山

雅集圖

張景吳中人物志

熊夢祥

熊夢祥字自得號松雲道人江西人

見書家傳

乘興寫山水

尤清古無庸工俗狀

玉山草堂雅集

趙渙

趙渙字季文由憲掾陞湖州從事從政之暇放情詩畫

皆爲時所重

玉山草堂雅集

陳貞

陳貞字履元錢塘人善畫

劉璋書畫史

鄭元祐題陳履元所畫玉山草堂圖云故人陳孟公辭

如春雲氣如虹畫法師海岳山如騫鵬樹如龍

玉山草

堂雅集

張渥

張渥字叔厚

畫史會要云號貞期生

時用李龍眠法作白描前無

古人

玉山草堂雅集

張叔厚博學而多藝尤工寫人物

貝瓊清江集

東宗庚

東宗庚字章孟吳郡人

玉山草堂雅集

章孟善畫人物 畫史會要

倪宏

倪宏字原道顧仲瑛題黃氏佳城圖云命畫生倪原道
寫小圖於前 鐵網珊瑚

邊魯

邊魯字至愚號魯生 王逢梧溪集云宣城人官南臺宣使 善墨戲花鳥 畫

史會要

魯生儒者畫名雅重江湖間 烏斯道春草齋集

楊周卿

楊周卿善畫有金谷園圖

胡布元音遺響

高暹

高暹善畫馬詹同贈詩云蜀人高暹能畫馬令人往往
愁龍化凡支肉眼匪方歎世間誰是識龍者前年曉御
慈仁殿拂郎之國天馬獻蘭筋虎脊渥洼姿長風西來
起雷電侍臣傳敕貌真龍周郎爲圖圖最工玉堂學士
揭曼碩早朝奏賦蓬萊宮當時觀者集如堵勅賜金盤

五色露天馬出馳海子東但見中天黑煙霧君不聞太
宗奔虹赤玄宗照夜白唐初曾數江都王今之名畫亦
難得吾聞高暹善草書墨池向復飛龍駒黃鶴樓中獻
馬圖潘王一見極所娛天機剪取雲錦段玉盃分賜葡
萄珠好去京師謁周郎應見揮豪九天上翠華所駕皆
龍媒何事江南繪屏障

唐同天衢舒嘯集

林子文

林子文錢唐人以星術醫藥畫術遊食江湖

蟻術詩選

陳肖堂

陳肖堂善寫照

王冕竹齋集

毛楚哲

毛楚哲善畫葡萄

丁鶴年集

董旭

董旭字泰初至正時人善畫有金焦圖傳於世

書畫史

鄧覺非

鄧覺非善畫蘭

龔璠存悔齋集

堵簡

堵簡字無傲能書畫官浙省掾

張紳元賢翰劄疏

王逢寄堵無傲詩云新比鄭虔詩畫好草堂野趣莫辭揮

梧溪集

焦白

焦白字任道本淮人遷長於吳材志不羈張氏初辭湖學教授避客泖海上興到作詩畫率不凡醉或濯風弄泉曳影月下俗目之迂自若也張亡在所鬼儒遂變名

德乙郎浮寄冗食僧舍

梧溪集

瞿智

瞿智字睿夫婁江人博學善詩以書法鈎勒蘭尤妙絕
累遷文學官攝紹興錄判

梧溪集

巴延守仁

巴延守仁蒙古氏爲平江教授時張士信柄政守仁遂
放遊九峰三泖間托寫竹石以自見志節在寒苦內士

咸高之

梧溪集

徐貽

徐貽號醉墨生王逢贈詩云生也醉墨心醉畫落筆迴
奪天人精首法米南宮繼習北苑董試臨老閤職貢圖
頭飛鼻飲欲活動去年傳馬大夫黃冠野服賀監湖今
年寫鍾進士絕行高名魯男子布圖美落黃龍灣寫我
弄月扁舟間醉墨生復何有胸中魚鳥在沼園所願淳
風化日回上爲至尊千萬壽

梧溪集

東遂菴

東遂菴合肥人官學正王逢題其所畫君山酌月圖云
東卿想像作此圖如見當時眼爲豁

梧溪集

沈復

沈復字復之嘉定人舊為僧名慧王逢題其所畫晚畝
同芳圖云愛吟楚詞畫楚蘭宿世應為獨醒客

梧溪集

費松年

費松年善畫王逢鴈門秋意圖詩序云郝雲表命松年
寫此以寓鄉里之思

梧溪集

姚淡如

姚淡如

見書家傳

王逢有題姚淡如畫雙松平遠圖詩

梧溪

集

王麟

王麟字文明山陰人王千戶振鵬麟之母姨夫以畫名於朝麟嘗從之遊故遂工繪畫

劉基覆瓿集

陳彥德

陳彥德括蒼人劉基酬陳彥德贈畫歌云括蒼處士身

姓陳小郎英俊尤可人欲收大地入掌握筆意所到如

有神

覆瓿集

張明卿

張明卿字子晦天台人

見書家傳

善畫竹石韻度清灑頗近

文湖州

潛溪集

陳大倫

陳大倫字彥理其先居襄陽之宜城後徙居杭之萬松嶺屢試不中益攻古文詞善寫竹樹蕭蕭有蒼勁之意

寫已競取爲清玩自號尚雅

潛溪集

韓介玉

韓介玉張仲舉門人張羽題其畫云我識河東老詞客
鶴骨伶俜長八尺白頭徒步拾公卿人生變化誰能測
將軍跋扈山爲傾公持寸管力與爭當時直氣動朝野
至今文采傳諸生諸生白面今已老三載儒冠空潦倒
罷歸百事無所爲萬壑千巖恣揮埽丹山玄圃落眼前
澗水松風鳴浩浩由來絕藝出天機肉眼紛紛爭醜好

靜居集

支叔芳

支叔芳嘉興人世稱幽齋先生文藻高潔善繪事
支子述餘

陳昇

陳昇順帝時人張靜居有陳昇畫馬歌
畫史會要

王熙

王熙順帝時人胡儼有題故元端本殿臣王熙臨宋徽宗雪

鴈圖詩 頤菴文選

趙希遠

趙希遠 與王蒙同時

王蒙香光居士圖筆勢飄舉皴法有極

細者點苔用禿筆正鋒趙希遠愛而臨之 畫史會要

夏文彥

夏文彥吳興人後居雲間精圖畫著圖繪寶鑑五卷行

於世 栗祁湖州志

黃周

黃周字仲文建陽人工墨竹元季擢本邑令尋判邵武
何喬遠閩書

田景延

田景延清苑人自幼有巧思山水人物花鳥下筆逼真

尤工寫真 張才保定志

孔叔平

孔叔平未詳何許人 見書家傳 嘗爲史官善畫古木竹石 書

畫史

趙衷

趙衷字原初吳江人

見書家傳

號東吳野人善畫白描人物

書畫史

任子昭

任子昭仁發之子畫人馬能紹父業

書畫史

吳近仁

吳近仁號柳原能詩善畫山水

書畫史

陳可復

陳可復未詳何許人善畫

書畫史

方君瑞

方君瑞毘陵人畫草蟲宗僧居寧兼工花鳥

書畫史

金潤夫 金質夫

金潤夫名璧蘇州人畫山水人物學馬遠弟質夫工畫

道釋人物

書畫史

姜清叟

姜清叟不知何許人程文憲常作畫格贈之

書畫史

陸厚

陸厚字景周號狂狷生工寫生花鳥

書畫史

魏顥

魏顥字伯昂天台人工山水

書畫史

葉梓素

葉梓素字楚材不知何許人善畫山水徐幼文曾題其

畫

書畫史

吳大素

吳大素字季章號松齋會稽人善畫梅有梅譜傳世尤

能畫山礬水仙

書畫史

于元鼎

于元鼎字仲實嘉興人善畫山水

書畫史

閻驤

閻驤字仲彬餘姚人山水學郭熙

書畫史

顧伯高

顧伯高定之子畫墨竹窠石得家傳

書畫史

錢君用

錢君用毘陵人善畫禽鳥嘗作敗荷鷺鷥甚佳

書畫史

趙安道

趙安道號西林善畫山水

書畫史

金禹瑞

金禹瑞錢唐人王元章作詩贈之云錢唐有道金隱居
風流不讓今古人文章學古畫師古落筆正似螢之親

書畫史

楊仲開

楊仲開不知何許人善畫王元章詩云楊君綽有隱者
風鬚長骨瘦兩耳聾作詩作畫不比意造化不與常人
同

書畫史

呂仲

呂仲善墨竹學李息齋

書畫史

李士安

李士安至正間人畫山水學董元

書畫史

李道行

李道行古魏人畫山水學郭熙

書畫史

李師孟

李師孟畫山水學僧巨然

書畫史

周弢卿

周弢卿嘉定人善畫道釋人物

書畫史

湯有吉

湯有吉常熟人工寫生

書畫史

李端

李端字彥章畫山水學李成郭熙

書畫史

堵信卿

堵信卿毘陵人善畫草蟲

書畫史

南宮文信

南宮文信字子中號懶心齋工畫墨戲禽鳥枯木竹石

書畫史

張心田

張心田崑山人善書畫

書畫史

孟仲良

孟仲良工畫山水

書畫史

陳公望 莫士元

陳公望莫士元俱工山水

書畫史

金德謙

金德謙昆陽人工花鳥

書畫史

吳宗起 朱大年 吳若水

吳宗起朱大年吳若水俱工寫照書畫史

李良心

李良心古魏人畫山水宗二米書畫史

張定

張定號松巖嘉禾人善畫花竹翎毛書畫史

鄭錄

鄭錄字克敬三山人畫枯木竹石書畫史

朱肅

朱肱字敬之錢唐人畫枯木竹石平遠

書畫史

夏子言

夏子言不知何許人號聽鶴畫白描人物

書畫史

陳公才

陳公才至正間人畫山水宗米元暉

書畫史

曾勉

曾勉號楂居又號偃月齋楂溪人畫水仙山礬墨梅

書

畫史

焦粲

焦粲

順帝時人

陳基題其山居圖云故人焦粲妙丹青爲寫

山居懸素壁

鐵網珊瑚

伍元如

伍元如延平人工山水愛作煙雲出沒竹木變怪之勢

延平志

沈瑞

沈瑞華亭人得畫法於黃公望常爲楊維禎作君山吹

笛圖木石幽潤山水清遠人物器具點綴絕工

松江志

曹煥章

曹煥章號采芝生雲間人好古博雅善書畫

賴良大雅

集

曹煥章善寫生往往逼真見者相視而笑常寫席帽山人像陶九成騎牛及濯足圖

松江志

張英

張英字仁傑諸暨人善寫花鳥

戴冠紹興志

於務道

於務道毘陵人善畫

朱昱毘陵志

陳寶生

陳寶生字彥廉有才名作怪體詩兼善繪事交往多一

時名流與黃子久尤契密

海鹽圖經

王立中

王立中字彥強吳人以蔭授開化尉

列朝詩集云元末爲松江太守

長

於詞善畫

吳中人物志

立中爲劉性功畫破窓風雨圖

鐵網珊瑚

持嘉希曾

持嘉希曾肅慎貴族讀書爲詩善鼓琴且工墨菊有新
意

張以寧翠屏集

陳岳

陳岳字甫申不著里籍隱居天台委羽山善書畫

陸樹

聲學士題跋

卞仲子

卞仲子

佚其名

善畫花木

狄斯彬野志續編

卞珏

卞珏字仲寶仲子子

見書家傳

著色花木綽有父風

野志續

編

李通

李通鄉里莫考見元人畫冊

都穆寓意編

張令

張令

佚其名

虞集題張令鹿門圖云張侯襄陽人深知襄

陽樂十年宦學懷襄陽故托豪縑寫山郭

道園學古錄

喬戚里

喬戚里名字出處未詳畫梅竹石建安白鶴山嶽祠東
廡中壁有其畫

畫史會要

自然老人

自然老人姓劉氏真定祁州人兵後居燕工墨竹禽鳥

圖繪寶鑑

牛老

牛老名人自少居市廛間作絲絹牙郎號窩絲牛能
畫墨竹得於巧性不師古人亦麤可觀

圖繪寶鑑

寫真張翁

寫真張翁居京城南年八十一神清眼碧蓋進於其技
而無求於世以自足焉者也

柳貫待制集

簡生

簡生蜀人善山水

圖繪寶鑑

虞集題簡生畫云簡生與我皆蜀人留滯東南凡幾春

每拂齊紈作山水使我感慨懷峨岷

道園學古錄

何大夫

何大夫工畫人馬

畫史會要

虞集題何大夫畫馬云國朝畫手何大夫親臨伯時閱

馬圖

道園學古錄

吉學士

吉學士工墨梅杜本詩云臨窻喜見橫斜影却有王孫

翰墨香

清江碧嶂集

孫寫真

孫寫真

佚其名

李存贈孫寫真詩云平生嬾照鏡不自見

其老孫子偶寫之嗒焉一枯槁

侯菴集

馬郎中

馬郎中

佚其名

劉永之題馬郎中畫鶴云郎中畫鶴稱第

一江海十年多見之

劉永之山陰集

水東山人

水東山人亡其名字奕父工山水

書畫史

沈處士

沈處士未詳其名精傳神

書畫史

蘇大年

蘇大年字昌齡以字行

楊維禎東維子集云號西澗別號林屋洞主

真定人

僑居揚州元末官翰林編修避兵居吳張氏開藩特見知遇用爲參謀稱爲蘇學士竹石師東坡松木師廉宣

仲畫家稱之

列朝詩集

夏汲清

夏汲清曹雲西僕也亦能畫

畫史會要

宋嘉禾

宋嘉禾上黨人伶優也畫人物學石恪減筆好作利市仙官和尚骨格態度俗工莫及亦能墨竹小景絕佳

圖

繪寶鑑

王正貞

王正貞先名瓚字承之號竹齋又號筠溪杭人以宋內侍奉謝后北觀上命佩虎符一旦辭入道山水墨竹學

毛勿齋

陳善杭州志

宋汝志

道士宋汝志錢唐人宋景定間畫院待詔入元爲開元觀道士號碧雲人物山水花鳥師樓觀

畫史會要

張羽材

天師張羽材字國梁號薇山別號廣微子封留國公居信州龍虎山畫竹與龍

圖繪寶鑑

羽材善畫龍變化不測了無粉本求者鱗集晚年修道

嬾於舉筆人有絹素輒呼曰畫龍來頃之忽一龍飛上
絹素即成畫矣

丹青志

張嗣成

天師張嗣成號太玄能畫龍亦常見其所畫廬山圖

圖

繪寶鑑

張嗣德

天師張嗣德號太一畫墨竹禽鳥

畫史會要

方從義

道士方從義字無隅號方壺貴溪人

見書家傳

性好畫人以

禮求之始爲出其一二皆蕭散非世人所能及嘗言太行居庸天下之巖險其雄傑奇麗皆古之名畫余所願見者今皆見之而有以慊吾志充吾操吾非若世俗者區區而至也

余闕青陽集

方壺蓋學仙之穎然者由無形而有形雖有形終歸於無形畫能如是其至矣乎非仙者孰與於此

侯菴集

方壺畫山水極瀟灑峰巒高聳樹木槎枒雲橫嶺岫舟

泊莎汀墨氣冉冉非塵俗筆也遇興揮豪故傳世不多

耳
圖繪寶鑑

方方壺品之逸者也
藝苑卮言

吳霞所

道士吳霞所居龍虎山善畫龍
畫史會要

張彥輔

道士張彥輔從玄德真人學道特精繪事爲其友天台

徐中孚用商集賢家法作江南秋思圖
道園學古錄

張彥輔畫拂郎馬圖自出新意不受羈絆超軼之勢見

於豪楷間

陳基夷白齋藁

張彥輔多居京師善畫山水

圖繪寶鑑

張雨

道士張雨字伯雨號句曲外史一名天雨號貞居子

見書

家傳錢唐人

畫史會要

張外史素不善畫醉墨戲寫張洞竒石頗有一種逸韻

雲林集

張伯雨獨於畫未工或引敗筆點綴木石人物亦自賞
適蓋論意不論象也

姚綬穀菴集

伯雨善畫用筆古雅深得六朝氣韻使北苑復生不能
爲也

珊瑚網

簡天碧

道士簡天碧善畫有西山南浦圖

劉崧槎翁集

虞集有贈道人簡天碧畫士詩

道園學古錄

馬臻

道士馬臻字志道別號虛中少慕陶貞白爲人著道士服隱於西湖之濱手畫桑乾龍門二圖傳於世

霞外集

馬虛中善畫花鳥山水

圖繪寶鑑

趙元靖

道士趙元靖不知何許人浪遊閩浙間以墨竹有名所至淋漓牆壁雖頗近繁重亦有可觀

畫史會要

丁清溪

道士丁清溪錢唐人工畫道釋人物師李嵩王輝馬麟

尤善寫貌 陳善杭州志

王景昇

道士王景昇杭人居開元宮善畫道釋人物學王輝李

嵩 圖繪寶鑑

徐太虛

道士徐太虛不知何許人善畫山水 圖繪寶鑑

盧益修

道士盧益修天台人善畫水仙學趙子固 圖繪寶鑑

蕭月潭

道士蕭月潭淮人善白描道釋人物

圖繪寶鑑

李道士

李道士

佚其名

宋元題南岳李道士畫雙龍圖云道士醉

卧天柱峰睥睨石上千年之老松松精相感入夢寐化作蒼髯雙老龍酒腸空洞生鱗角飛出雙龍醉不覺須臾霹靂撼五岳豐隆縮手不敢捉神靈頃刻歸虛無壁上但見雙松圖松邪龍邪莫能詰棟梁霖雨藏禿筆

宋

元翠寒集

周愚

道士周愚字蘊古居龍虎山善畫龍

侯菴集

彭道士

彭道士

佚其名

丁復有題茅山彭道士畫梅花仙子詩

檜

亭集

莫起炎

道士莫起炎字月鼎幼習舉子業嘗三試弗利遂究心

玄學放浪江湖間縱酒任狂往往作字類霞僞雲僂靈
異惚恍使人莫測其所爲至元戊子世皇徵如上京祈
雪驗上悅賜上尊命典其教固辭歸吳

梧溪集

蕭得周

道士蕭得周號自愚翁善畫龍至今稱自愚龍有名蓋
得之太玄子有傳受也

解縉春雨集

郎玄隱

道士郎玄隱洮湖人居三茅山善畫蘭得明雪牕筆法

孔行素至正直記

鄒復雷

道士鄒復雷齋居蓬華琴書餘興以寫梅自樂得華光

老人不傳之妙

鐵網珊瑚

鄒復元

道士鄒復元

復雷兄

楊維禎云雷鍊師與其兄復元皆能

詩畫既見元竹復見雷梅

鐵網珊瑚

康鍊師

康鍊師善畫陳泰天嶽圖歌序云雲間康鍊師來自岳陽稱其友蔡素蟾好道之篤乃作天嶽圖以寄

陳泰所

安遺集

曾道士

曾道士善畫龍釋圓至贈玉龍曾道士詩云我求寫龍真畫仙許我不

牧潛集

釋溥光

釋溥光字玄暉號雪菴俗姓李氏大同人

見書特封昭家傳

文館大學士賜號玄悟大師山水學關仝墨竹學文湖州俱成趣

畫史會要

釋溥圓

釋溥圓字大方號如菴俗姓李氏河南人雪菴法弟山水墨竹俱學黃華

畫史會要

釋海雲

釋海雲墨竹學樗軒

圖繪寶鑑

釋妙圓

釋妙圓墨竹頗有法度

圖繪寶鑑

釋智浩

釋智浩號梅軒墨竹雖少蘊藉脫灑簡略得自然趣

圖

繪寶鑑

釋道隱

釋道隱字仲孺號月澗俗姓李氏蘭石學趙子固墨竹

宗王翠巖當湖人也

海鹽圖經

釋允才

釋允才號雪岑受業嘉興石佛寺墨竹似丁子卿

圖繪

寶鑑

釋時溥

釋時溥字君澤號雨巖華亭人通經律作詩亦畫墨竹

三梢五葉而已

畫史會要

釋智海

釋智海居燕中善畫墨竹學海雲禪師

圖繪寶鑑

釋普明

釋普明號雪牕住承天寺以畫蘭與柏子庭齊名

吳中人物志

釋柏子庭

釋柏子庭嘉定人嘗講台教於赤城性好浪迹雲遊乞食村落對人不作長語間雜諧謔喜畫石菖蒲題句甚多

弘秀集

釋維翰

釋維翰字古清江右人畫龍學所翁

圖繪寶鑑

釋慧甄

釋慧甄善畫虞集有題慧甄腐瓜行蟻圖詩

道園學古

錄

釋絕照

釋絕照善畫龍

侯菴集

釋性天然

釋性天然善畫龍

林屋山人漫藁

釋枯林

釋枯林天台葉西澗丞相之後有才氣能詩以畫蘭名
世頗勇俠或不舟渡水蓋隱於浮屠者

劉詵桂隱集

釋鏡塘

釋鏡塘善寫神貢師泰有贈寫神鏡塘上人歸京口詩

貢師泰玩齋集

釋無詰

釋無詰善畫蘭竹

雲陽集

釋南岳雲

釋南岳雲慈報寺長老畫山雲圖松圖

梧溪集

釋蓮

釋蓮善畫王逢題其松檜圖云蓮公畫稱東吳精草蔓
花房未嘗寫常州貌得劒井松劒氣曠溫相鬱蔥

梧溪

集

釋海

釋海字一舟長蘆人工畫人物

書畫史

釋宗瑩

釋宗瑩字仲默畫蘭蕙竹石亞於雪牕

書畫史

釋大訢

釋大訢字笑隱南昌人能詩善畫墨竹

書畫史

釋亮

釋亮字虛白崑山人墨竹枯梅宗文湖州

書畫史

釋用

釋用字汝舟工畫山水

書畫史

釋鑑

釋鑑字明仲號湛然住惠山寺善畫

書畫史

釋方厓

釋方厓墨竹浙瀝默坐對之如有聲

六研齋三筆

釋本誠

釋本誠字道元號覺隱元僧四隱之一品局高潔能書畫託稱蜀時埈翁筆而已特題之然實其自筆也山水學巨然翎毛竹石俱有灑脫之韻是有得於道而簸弄精光於筆墨間者

六研齋筆記

釋慧梵

釋慧梵字竺卿石門顧氏子受具澄寂院性至孝縛茹
奉母榜曰蓬居居側遍樹梅水仙間寫二花亦極其妙
得梵隆茂宗筆法

石門志

釋仲山

釋仲山

順帝時人

劉基題仲山和上羣魚圖云濠梁之樂誰

能寫袁蟻死後無畫者上人安知身非魚援豪貌出態

更殊

劉文成公集

釋樵枯子

釋樵枯子所畫羅漢雖非貫休比亦得其髣髴

閒居叢

藁

松菴上人

松菴上人善畫墨蒲萄傳與礪贈詩云南岳山僧工學
幻空庭長愛翠婆娑若教親見宛西種醉墨淋漓意更
多

傳與礪詩集

瑞上人

瑞上人

順帝時人

劉基題其山水圖云上人性癖耽山水應

是王維第二身

劉文成公集

管夫人

管夫人道昇字仲姬趙文敏室封魏國夫人

見書家傳

作墨

竹筆意清絕

松雪齋集

管夫人善畫墨竹梅蘭晴竹新篁是其始創寸絹片紙人爭購之後學爲之模範

圖繪寶鑑

管夫人嘗畫懸崖朱竹一枝楊廉夫題云網得珊瑚枝

擲向貧簞谷明年錦綳兒春風生面目

畫史會要

管夫人亦工山水佛像

容臺集

李夫人

李夫人名至規號淡軒宋狀元黃朴之女長適尚書李珣子善撫琴畫蘭爲郎中孫榮父作九畹圖自序其後云予家雙井公以蘭比君子父東野翁甚愛之予亦愛之每女紅之暇嘗寫其真聊以備閨房之玩初非以此求聞於人也

王惲秋澗集

劉氏

劉氏號尚溫居士

見書家傳

喜吟小詩寫墨竹效金顯宗亦

麤可觀

畫史會要

蔣氏

蔣氏汴人完顏用之室嫠居以清淨自守好作墨竹

畫

史會要

張氏

張氏喬德玉室善寫竹

畫史會要

御定佩文齋書畫譜卷五十四

謹案卷五十四第十五頁德濟舊作的斤今改
二十五頁前五行布圖美舊作不圖木今改





總校官庶吉士臣張能照

校對官庶吉士臣徐如澍

謄錄監生臣魏鎔